

南京法司決囚數少具本回奏十名以上照舊復命例

成化六年二月十六日都察院右副都御史林 等

題爲陳言民便事河南道呈該南京河南道監察御史吳鏗奏
前事臣嘗爲民乃國之本財乃國之用民利不寬則國之本無以固
民財不節則國之用無以充是國之爲國端在於寬民力節民財也
明臣伏觀

陛下即位以來于茲六載民力之有未寬者欲寬之民財之未有節者
欲節之但一日

萬機而思之或未有之及者臣姑以南京決囚一事言夫南京刑部之有重囚
則會都察院錦衣衛官各一員以處決之後各官俱赴京復

命水路應付舡隻陸路應付馬匹支與廩給遵其定例臣切謂南北兩
路當衝要使客往來絡繹不絕夫之送舡者無一飯之閒馬之代
勞者夜無一息之安人馬困苦莫比爲甚雖然決囚之官雖止三

員應付站舡不過三隻站馬不過三匹牽給不過九升以歲月記之勞費之狀不可云諭況且南京法司重囚一次決一名者有之或一次止決二三名者有之囚之決者少而民之勞者多政之刑者簡而財之費者廣如此得非失損益之宜哉成化五年十二月內臣因決重囚一路前來親見民之勞財之費有如此者誠為痛心夫勞民傷財國之大患宜慎如此其可不論事之煩簡差官之多寡以致民之勞財之傷即如蒙乞

勅都察院計議轉行南京都察院今後兩法司遇有重囚仍舊會官處決其處之後止令監察御史一員前來復

命其餘官員着令在任管事如此則事亦不廢弛而官不煩民亦不勞而財不傷矣等因具本該通政使司官奏奉

聖旨該衙門知道欽此欽遵抄呈到院看得兩京河南道監察御史吳涇奏稱南京兩法司處決重囚或一次止決一名或一次止決

二三名俱要原決因監察御史刑部主事錦衣官各一員一同前來復

命水陸應付民力艱難要乞今後南京兩法司遇有該決重囚仍舊會官處決之後止令監察御史一員前來復

命則事不廢言不煩民不勞一節查得巡按并布按二司處決重囚止是共本回奏惟兩京法司例該決囚官員親赴御前復

命今稱決囚數少差官數多水路往來應付艱難合無准其所言每遇決囚止令御史或主事二員前來復

命其南京錦衣衛官不必同來如此庶得事体適中下無擾勞具題奉

聖旨今後決囚數少着具本回奏十名以上還照舊行欽此